



國朝詩觀卷十三

瑞州新昌王錫侯韓伯編次

男霖校字

胡濬

字因素別號古邨南豐人候選學博著有畫沙草堂據詞

舟中漫興

年年脂粉為誰容。潦倒春風十二紅。短笛隔江高
唱罷。孤絃入夢。賞音同。落花自瘞新阡。上歸鳥人
憐。夕照中。莫謂名山無價買。向平原。不是英雄
何事名花不想容。空園負却曉妝紅。鷓鴣喚客散
穀。老楊柳。牽愁處處同。別恨暗隨雙櫓下。征魂遙
斷一篙中。年來髀肉消。何似未許書生馬上雄。

徐瀛谷重過余力耕堂與崔邛亭話別疊前

韻

幾番整頓舊征衣。對鏡翻疑萬事非。如此花晨猶
歷落那堪客夢更依稀。低迷綠岫傳鶯語。亂入紅
樓逐燕飛。最是鄉思無着處。寒透疎雨兩心違。
春光到此倍堪憐。萬丈遊絲罩晚煙。帝子樓空人
寂寞。玉孫路杳草芊綿。幾看柳汁彈新袂。惟有桃
花似去年。客歲同崔夢飛潘雲五三村看桃一夜客愁眠未穩。杜
鵑聲在白雲邊。

甲戌三月晦日與潘雲五徐瀛谷集章門浮

香客分賦長句仍用阮亭秋柳詩韻

江城三月客銷魂。歷亂花枝晝掩門。芍藥風前收
笑口。杜鵑雨後破啼痕。揮金夢斷洛陽道。買醉愁
遇上若村。一自玉孫歸去後。可憐芳草向誰論。
冷落棠梨一夜霜。等羅人去剩荒塘。可堪別恨銷
松板。不盡離魂在篋箱。十二朱欄空蝶使。三千鍾
乳飽蜂王。長門此日無消息。莫問臨邛養病坊。
天工人事倍相憐。收拾東風鎖暮烟。半塢殘粧鋪
碎錦。長江飛絮看吹綿。空彈別調離家日。又記分
香入夢年。百丈遊絲牽不住。鄉心一片落花邊。

滕王閣

次李荆山韻

西山爽氣一欄收。勝會何緣到九秋。芳草尚遮南浦路。好花不載武陵舟。柴桑烽火將軍宅。章貢風流帝子樓。盡日登臨歸未得。出門誰說賣又愁。

千古英雄一齊下疾

百花洲

次李荆山韻

綠荷新泛一湖中。作客每艱樽酒同。徐孺亭臺猶在。漢桓陵寢已飄蓬。斷橋雨歇波光歛。小砌香殘蝶夢空。最是傷春無那處。杏花村外白楊風。

南州道中寄別諸同學用湄邨春望秋懷韻

河橋折盡柳條條。總為行人寄寂寥。鸚鵡散寒三寸舌。梧桐影瘦十圍腰。空園菊謝悲元亮。故國雲深憶子喬。今日吳門秋又老。市中誰復解吹簫。萬斛征塵兩鬢絲。少年直欲搵燕支。千山響過多鷓鴣。半掉波橫掠鷺鷥。露下板橋螢點點。雲疎野店月遲遲。雄心一片秋風冷。空向軍門說四其。

武穆廟

十二金牌恨不捐。千秋遺血洒南天。中原未復烏頭白。塞外空悲馬角堅。帷褻英風瞻面目。香依正氣薄山川。九泉莫謂無真報。頑鐵而今亦赧然。

草言補
九三
一緘遙寄白雲隈。露沁薔薇浣手開。兩地臨風吹

不到。半輪落月照偏來。王孫飯有長淮進。范叔袍無短褐裁。同此飄零須努力。黃金自古說燕臺。

登康郎山謁忠臣廟

湖水湖雲去復還。英風不住撼康山。魂銷左蠱波皆赤。淚染雙孤草亦斑。飛箭雲橫迎日浦。御衣夜冷落星灣。平原一望歸來晚。幾點青燐夕照間。

元日哭父

桃符萬戶客銷魂。剪紙經年奠一樽。燒燭淚殘花

不放。熏爐香燼火猶存。鄉關尚爾思兄弟。門第而今愧子孫。庾嶺雪遮滕閣黯。泉臺何處守晨昏。

早秋宿曉日山房東主人潘雲五

平泉莊外好園林。鳳在朝陽鶴在陰。蛙鼓咽殘寒露下。蟬笙吹老白雲深。秋風落拓三年夢。明月圓圓一夜心。衡浦而今消息近。可無清韻付知音。

細雨蕭疎過暮林。風流今又見山陰。魂消杜宇殺。殺遠目極昏鴉樹。樹溪繫日同懸遊子意。瞻雲獨厯外臣心。但留七尺焦桐在中散。何須指上音。

豈是踈狂近竹林。酒瓢茗椀桂花陰。青衫我愧臨

風薄紫綬人催待漏。媛婚嫁幾番。兒女債別離一。
夜友朋心相逢莫漫悲秋老。記取名山結好音。

送舍弟瀾歸里

已傷老大傍斜暉。努力還爭家勢微。心迹雙清鷗
並立。天涯濶絕雁分飛。箕裘屬爾言猶在。辛苦憐
誰願不違。好去力耕三畝地。菜根滋味倍甘肥。

哭徐丈蒸川

蓼花紅淚橫江流。竟日招魂古渡頭。皓首只因文
字老。繡囊惟有姓名留。一腔渣滓溶成雪。兩眼繁
華淡入秋。幾度東湖延佇處。哀吟還覺繞鐘樓。
時

寄居鐘
鼓樓石

九秋江城雜感

少陵耽向草堂上。宋玉含悲湘水東。天地多情憐
九日芙蓉無語謝。秋風長歌人度樓頭笛。別調音
希爨下桐。昨夜羽林初詔獵。侍臣詞賦屬誰工。

衰草凝霜一望齊。繁華銷歇冷蘇堤。舉頭天末孤
雲迥。放眼城南萬木低。彈鋏未能居上舍。抱琴聊
自謝幽蹊。歸來共憇東山下。點點寒鴉日色西。

風光占盡已三分。剩得晴空一甕雲。瘦到黃花應
笑我。清如秋水獨憐君。
時徐瀛谷館會城常
相遇從稍破愁寐

舊壘寒先至。鸞掠層霄夜半聞。謾策駑駘追日下。
太行終古泣空群。

敢將高節抗陳蕃。五馬傳呼過市門。狂決西江疏
酒量。醉移梅嶺鎮詩魂。綠荷霜墮田田碧。紅樹風
經葉葉翻。眼底榮枯身後事。箇中消息付乾坤。

奇恣

幾度龍沙好夢還。煙鬟霧鬢珮珊珊。三千粉黛羞
傾國。十八胡笳悔入關。精衛情深終負海。愚公力
盡謾移山。誰澆一杯寒梨汁。哭向秋風蔓草間。
讀蔣茗生一片石雜劇

誰擅風流種恨苗。到來張緒倍蕭條。延齡藥杵荒
藍水。攪夢花鈴度午橋。未忍招魂休擊筑。每於落
魄聽吹簫。但留一枕三餐地。不讀黃庭與白饒。

渾然大雅

蝦鬚細細織風簾。斜倚疎檣拂帽簷。極浦殘霞烘
面赤。遠山爽氣襲眉尖。擁衾漸覺霜初落。滅燭還
憐月尚纖。秫酒一樽書一帙。背人聊自息雞談。

三村看桃

桃源何處是。望古有沉憂。芳草無遮路。遊絲不繫
舟。逡巡尋舊渡。迢遞見層樓。燒酒酬河伯。好風吹

岫頭。

步屨經村舍。尋幽到梵天。樓臺汲護日。花木靜通禪。鷲嶺三生願。虎溪一嘯傳。何當坡老過。山色更嫣然。

冒雨剪春韭。霑衣幾點斑。老僧方獻偈。居士已酡顏。誰冊酒泉郡。重封飯顆山。穿林看夕照。一一鳥飛還。

歸舟齊唱晚。半棹一江寒。飄泊依漁火。詼諧砥怒瀾。春風淡雪後。世事落花看。為語王摩詰。毫端寫大觀。

陳日暉

字旭章新昌諸生
著有晴邨詩草

偶作

結廬高山下。朝夕枕幽谷。危石咽紅泉。書架連古木。中來雙飛鳥。交交止樸檄。矰繳不復加。啄飲對相屬。感物觸中情。風塵空僕僕。萬事原有主。天道轉車軸。理愜意無違。蓬居勝華屋。緬彼陟阿人。胡為苦勞碌。不如飲美酒。及時且把朴。

寄友

秋草鬱柴門。秋風動翠栢。觸景感深懷。悠然倚簷隙。四顧何所有。山雲迷朝夕。竹窻交野馬。空庭生

虛白相別花茸茸。相思花撼撼。幾欲理故業。忽憶
春秋隔。桂酒空盈樽。孤影對綺席。暮烟起。遙岑臨
風懷。詞伯。

倦繡

休將十指掠春蔥。默坐閨中懶綉絨。淚舉金針生
舊恨。愁添綵線悔前功。浪傳靈鵲占天意。空使青
錢問卜翁。欲下珠簾歸翠幙。忍聞隣女笑無終。

語有
含蓄

夏日即景

一曲南薰度短牆。梅黃樹綠日初長。迎風芍藥嘗

階秀。帶露薔薇覆架香。結伴啼鶯喧綺陌。成群乳
鴨戲清塘。南園獨坐閒無事。靜對芭蕉到夕陽。

次王大伾瞻晚遊原韻

萬樹霞光滿。千峰日色微。牧童吹笛返。昏鳥破嵐
歸。漁火空江亂。行歌隔岸稀。野情看不足。新月上
柴扉。

起晏

意外三竿日。徃來人事稀。露收眠柳起。月落夢鴉
飛。懶病惟高枕。清晨未啟扉。悠悠三十載。塵事漸
知非。

秋夜

已覺謀生拙。還添暮景愁。秋聲撼竹殘。影月當樓。意氣誰青眼。乾坤任白鷗。不堪淒絕調。孤鴈日啾啾。
可以怨

閒居

靜日俯晴軒。山窗古樹邨。澗幽泉咽石。人寂鳥窺門。性練風霜苦。生謀菜蕘温。看花因悟易。半室老乾坤。
雅練

經緯閣夜坐

吟閣秋無賴。况聞風雨聲。檢書消萬古。燃燭坐三更。

更鳥夢。遠雲熟。鐘聲隔寺清。六穗烟已盡。歷歷悟浮生。

重館青雲軒偶作

山館重来二月時。韶光一片向人宜。春風昨夜推花。藥放出。新桃四五枝。
逸秀

即事

半園紫蔓皆前草。二月紅垂檻外花。景物不知人易老。故舍春色映窓紗。

春日憶友

韶光刺眼翠彌天。花帶清香柳帶烟。今日那堪亭

外望東風不送故人船。

秋思

山遠雲低樹。風微露濕花。寸心桐上月。隨照入君家。

趙由煌

字碧川南豐縣諸生刻有尚綱詩集

峽中懷古

入地入天猶白狗。三朝三暮熟黃牛。王風楚峽真成快。神雨巫山未放休。老去但憐悲角壯。醉來翻把夕陽遊。雄圖霸氣銷今古。慘澹風雲一獻酬。

伯兄旅羈楚蜀得近音却寄

一宿西風帶紫移。百般心緒獨愁支。謀生計拙黃昏後。垂老人當白戰時。漠漠翠飛吳岫冷。淒淒冰散沱江遲。差排魂夢難消領。信不滄洲理釣絲。

酬嚴十八

帝子悄追攀。黃陵淚欲潛。鴈從今夕到。竹向幾時斑。客裏日渡日。湖中山又山。扁舟空說信。秋滿洞庭間。

峭古

夔府少陵先生祠

巍巍祠宇向城開。欲覽前賢望計臺。苦竹高栴還感事。蒼鷹義鶻亦憐才。生涯前後參諸府。心事淒

涼賦八哀。萬里終南。何日見昆明。殘碣亂莓苔。

陶徵君潛田居

荷鋤開荒塗。平時漸寬衍。耕作愧遲遲。飢劬吾所勉。昨宵微雨繁。細洒春田徧。呼我務農人。量力守故產。雖未盡歲功。微勤在所先。斗酒勞素心。笑言歡親眷。風吹山路長。一片新苗善。儋石苟有情。將於厥初見。紫紫衣露煩。漠漠花霧卷。百年夫幾何。敢自忘規勸。牛兮上山來。細草從汝戀。

虎圖

巖隴合。樹榭牙。脩塗俄閉。無行車。落日鴉啼煙。

音節 即句

霧并蒲葦。颯颯呼風沙。就中震駭欲崩壑。乃是黃茅於菟伏。舉頭掉尾興不興。雙瞳夾鏡向人速。我初見之謂非畫。熟玩稍稍還驚詫。謂何十尺束絹中。貌得如許無真假。吾聞色鼎畫虎妙入神。掃除一室無人殺。穴壑取明卧復起。徘徊如與真虎行。今之臨摹欲如此。必與色鼎相表裏。若非格外見高情。愈貌愈工愈不似。嗚呼色鼎不可到。色鼎亦可思。色鼎色鼎庸何奇。只在腕衣據地欲畫如不

欲畫時

起結有力如虎

岳陽樓懷古

黃陵廟口。鷓鴣啼謝。海祠前。景渡低半。點君山青。
欲出湘波。萬頃堆琉璃。霎然烟淨。如手劃坐。看芙蓉翠。
欲滴寶氣。嵐光萬象兼天然。明媚去雕飾。碧潭鴻影暮悠悠。
短草斜陽望不休。軒轅鑄鼎冲天去。一笛荒荒明月樓。
飄飄 霞舉

古意

刺扁鵲。伎不如。黥孫臍。恐賢已。耳雄鷄。自斷尾。

月夜憶客蜀故人

迢遞黃昏月。蹉跎白帝城。隻身經汨沒。萬卷苦支撐。
雲峽四時雨。霜崖片日晴。招邀神女夢。彷彿話平生。

平生

送人遊潁南

膠角雞聲不暇論。可堪中夜舞劉琨。一溪瘴雨歸荒島。
滿樹蠻烟過別村。破屋長橋迷短夢。青蛩黃葉動離魂。
勸君且盡杯中物。莫向榕花染淚痕。

王吉

字卜南。江西新城太學。生著有祈水堂詩集。

望會仙絕頂

孤峰何拔萃。峻嶒倚空碧。一綫幽徑通。萬古神靈宅。
但覺去天近。只許白雲適。月珠頂上懸。星光手可摘。
衆山匪云低。恐難望肩脊。巍巍自起。辟非故。

監門壁仙人時往來幸分我玉液

壽僧

去日同苦多。人生若朝露。子綫幽徑通。萬古神靈
宅。君自入山中。色教澹不慕。閒臨溪水流。時躡高
山步。此外無所營。淡然守其素。須知仁者壽。仁者
惟靜。故靜中風日好。禪理正堪悟。
至理
名言

賦得春水船如天上坐

洪波浩渺坐樓船。萬里江山盡目前。兩岸花香飄
月窟。一帆風順送雲邊。濤傾宛若銀河瀉。槎泛疑
從北斗旋。更得良朋同利涉。儼然天外挾飛仙。

四時閨詞

鵲啼不關心。儂何共花瘦。強欲起梳粧。對鏡手仍
袖。

短夜睡難覺。不知天日上。夢裏見郎歸。問郎車幾
兩。

紗窓皓月冷。歷歷擣砧聲。非不寄郎衣。郎歸恐上
程。

夜永寒衾覆。蕭蕭風弄竹。遙憐今夜郎。淒淒何處
宿。

賦得落花水面皆文章

國算言卷
三
花落浮江面。續紛繪蒸塘。餘嬌添水色。剝馥帶流
香。片片形開合。翩翩致抑揚。隨風看活潑。逐浪任
鋪張。絢爛仍平淡。清新異等常。會心原不遠。觸處
是文章。

客中望月

故園何處是。皓月宛如家。亂草依螢火。溪林繞宿
鴉。星疎疑碧漢。露重濕黃花。遙憶高堂北。更殘夢
正奢。

過鄱陽湖

聞說鄱陽天水連。于今始信不虛傳。數峰渺渺渾

無際。百里茫茫一望穿。雙槳撥開三尺浪。片帆又
到九江船。乘風一似乘雲快。市買鯉魚盡醉眠。

插禾歌

扶杖閑偷隴上過。貧看農夫競插禾。手把秧針高
豎脊。口不停糧更唱歌。借問斯言果何為。答云自
訴心中苦。不怕淋淋雨打簑。不怕炎炎汗浹土。年
年耕稼總擔憂。三分只得二分收。除却一分輸租
外。一分了債粒難留。妻兒約計九幾口。朝夕所需
惟此畝。西疇力作常苦飢。典盡裙視剩敝帚。昨向
東隣借一石。又走西家借一斗。笑息加二與加三

敢云大戶用心醜。對此茫茫心忒忒。又怕秋來與
前類。幾番欲把耒耜丟。千思萬想無成事。沾體塗
足不能辭。只得又將萬田時。但願良苗歌秀寔。滿
車滿篝寧家室。聽罷歸來心若刺。直是長歌以當
泣。
此農家苦境亦是實境真可當泣

初秋復遊西湖

尋幽不厭幽。小艇更重遊。嵐霧千山淨。湖光一片
秋。荷香猶未斲。暑氣忽全收。三竺兩峰勝。登臨未
肯休。
幽曠沉利

乙丑除日

卜居經兩歲。今又逼年除。市近晏嬰宅。門關靖節
廬。性慵新識少。巷僻故人疎。且喜無塵慮。隨時任
卷舒。

秋日病瘥

本來非壯士。一病力難支。懶怖石屐字。吟吟杜甫
詩。半生苦剝落。萬緒嘆離披。強起臨窻鏡。低頭未
忍窺。

秋感

砌虫唧唧暮來殺。似到堦前訴不平。更聽空中孤
雁唳。有誰憐爾離群鳴。

依韵擬古詩十九首之六

秋風枯勁草。白露零蒲柳。皎月滿南軒。枝影當我牖。明明在眼前。掬之不盈手。架上生蠹魚。篋中絡新婦。感彼泉下人。有家誰與守。

南澗數章木。參差常不齊。明月到南園。帶影上堂階。階前何唧唧。一似助余悲。方便難為父。法喜難為妻。反覆繞曲徑。欲寢仍徘徊。毋乃效秦人。何不自為哀。非是哀虫鳴。但覺影依稀。游魂何處去。星隕薄雲飛。

彼美人何在。零落在山阿。沿阿到澗口。經春長薜蘿。薜蘿長有時。人獨不相宜。少壯與哀樂。杜老嘆溪陂。芳時不須怨。尋春未是遲。不見伊階庭。芝蘭並生輝。同居覆載內。草木有榮萎。栽培寧有異。人力莫能為。

懷人對高樹。樹間鳴齊女。草際復啜啜。但織急機杼。為愛月如日。不畏露如雨。哀音將無同。動人處如許。欲效草虫吟。哽咽不能語。

憂每生于愛。離愛即無憂。六情既相攘。何可無天遊。白日將西匿。念念何在茲。有酒須滿酌。免受旁人嗤。莫信華表上。千載有歸期。

國朝詩觀 卷三 王吉 十七
語感雍門子。因文不免悲。尊貴乃若是。浮雲如白
衣。身未與人別。魂先與魄違。昨宵入我夢。猶是舊
容輝。群從二三人。髣髴代執綬。不知渠已死。問從
何處歸。默默無一語。兀兀坐庭闈。來時似有路。忽
去杳如飛。殘燈猶在几。起坐無霧晞。願作夜夜遊。
重門不掩扉。

蓮

馥馥居何等。池荷夏擅場。幽光映水靜。清氣帶風
長。不借百和合。別成一種香。濂溪知己在。千載結
隣芳。

四十自壽

半生蹇拙守青氈。愧不如人獨自憐。學記嘗思子
冶。句誦詩。早廢蓼莪。鵬程頓息三千里。馬齒虛
加四十年。為語賓朋休記錄。西湖佳處好談元。是歲

州遊抗

六秩初度誌感

綠暗紅殘倏已過。長繩誰解繫奔輪。八千椿樹無
非幻。五百冥靈豈是真。小杜陡衰曾學步。少陵嗟

半蒼搖唇。

五十初度賦得五十今來覺陡衰叠韵
八首又集杜百年嗔已半十首族友悉

有和 思量十載須臾事。又作平頭六秩人。

香山云。健是天憐。天不我憐。我問天。足蹇臂枯妨。跪拜。心曠體痛苦沉綿。予素多病。惟此四者得之最久。貪喫雖能癡難醒。老病還兼死未全。自哂龍鍾同棄物。倚欄獨立欲潸然。

何事衣寬帶減圍。新愁舊恨每相依。蛇添畫。足螢乾死。鵠不中心。鷓退飛。金遜一經。曾具曉珠名。三樹果誰歸。謂一子三孫。聖朝恩澤沾群動。獨覺生涯種種非。

茅屋生存死一邱。達觀原以生為浮。詩緣窮鬼難據。悶酒號貧人不解。愁運舛偏逢君好少。數竒烏

望自封侯。直針坐釣。知無用。好倩阿誰屈作鈎。

憶昔開樽盡所歡。天倫人事共團圓。痛心狸首應將朽。淚眼蠅頭尚未乾。謂細兒福坡。東郭吊來迷笑緒。

西州觸處感悲端。虛增馬齒奚須錄。世味甘多轉亦酸。

再疊前韵

自昔何曾浪擲春。癡將膏軸連方輪。丹砂煉就嗟予老。楮葉鑄成喪我真。有恨還凭詩遣興。移情每藉酒沾唇。連環解破渾無事。一任挪揄鬼笑人。畢生摧剥望誰憐。天縱有情難問天。老去那堪勞

擾擾年來偏苦恨。綿綿。縱知補闕終多闕。底事求
全可得全。憂患無端誠莫掇。懸旌降盡始恬然。
蓬門雖設不常開。陋巷原無車馬來。交道於今誰
管。範。高人自昔有宗雷。但思陶令荒三徑。莫和陳
王咏七哀。遇酒且陪山簡醉。何如共作習池回。
指使須知有限歡。常將逸趣對檀藥。正顏固不甘
隨俗。唾面何妨聽自乾。萬事紛披緣底事。百端交
集。總無端。吞殺謾把長吟改。豪氣可能一洗酸。

張師載

字秋岳 江西
新城人 歲貢

題高臺寺

古寺何所有。青松參天碧。戶外竹千竿。翛然絕塵
迹。風報時入耳。自與羲皇適。幽徑少人行。白雲屢
變易。寂寂晚鐘動。鳥噪日已夕。山僧兩三人。焚香

布蒲席。

自然
恬適

題漁溪山庄

先人遺業托山阿。地僻不煩車馬過。牕外數峰烟
霧淨。溪邊十畝竹林多。幾家茅屋羅平野。兩岼殘
陽映逝波。旦夕風光堪坐卧。未知市朝竟如何。

陳開潤

字遜僑 宜黃人 壬午歲貢

夢與人聯句題羽扇

編羽作清風。迴同弦上月。已輕飄素影。涼。橐籥兩
儀設。試將形。軋氣盛。夏飛霜。雪。故塗脩丹鵲翠。祇
令周王悅。姓梁家金屈成。難方茲皎潔。男安得常
相隨。解我中情熱。句多清新得之夢中奇甚

憶幼兒在道履險

蜀道險無敵。今經第幾條。鬱紆穿碧澗。層折度青
霄。浪湧形神黯。風號膽氣搖。何日東西定。緩我音
唳唳。骨月至情

陳德政字疇三宜黃諸生

題四時山水圖

森森古木護柴門。積雨空林欲斷魂。却怪行人無
箇伴。小橋擎蓋入孤村。
近水松林無酒肆。隔江洲渚有漁家。伊人晚步青
苔路。遙指山巔數落霞。

有為而作

貧家小桃艷。主人手自栽。移向陽和處。擬待看花
回。只為偷春色。蜂蝶掃不開。辜負東君意。溪媿雪
中梅。

青黃悲絲染。南北泣路岐。花片隨風舞。搖蕩不自
持。清者上瓊筵。濁者下塗泥。脚跟須立定。無為君

子。哦。

一氣相注
言可為歲

山居樂

我愛山居樂。古道留幾希。遇人多渾穆。相對兩忘
 機。喜無物外牽。忘情是與非。壠畔話桑麻。峰頭看
 落暉。清風拂我面。白雲披我衣。朝花湛露宿。暮鳥
 望林歸。閑靜養天真。何必羨輕肥。陶然自得
 親友來相顧。淡泊罕所為。呼童吹晚栗。檢取舊松
 枝。斗酒藏諸婦。待我不時需。肴餼錯雜陳。剪韭採
 山芝。晝談倚古石。夜共燈月輝。倦至聯牀卧。睡起
 日遲遲。

陳德琰

字集甫。宜黃諸生。

中秋月下獨酌有懷

往時良宴會。今夕何寂寥。一二知心人。俱在天之
 遙。或為車牛牽。戴月苦蕭條。或懷鵬鷲舉。矯首望
 雲霄。共此中秋月。悲喜各自遭。月照我盃近。我隔
 月迢迢。曾亦策高足。無路訪藍橋。拔釧縱舞亂
 影碎。瓊瑤欲為歌。一曲嗚咽音。不調胸中多磊砢。
 還以濁酒澆。慨當以慷

齋頭白菊

羞偕野艷鬪時芳。獨出冰顏向小堂。半點塵埃應

不染一齋寥寂也。無傷飄飄玉質。當風靜。采采瓊
英。浥雨香。爛熳弗邀人鑑賞。秋來還自達幽光。

初夏書齋夜坐咏懷

獨坐南樓夜寂寥。漠漠梅雨慣通宵。年來不識愁
多少。瘦盡沈郎一握腰。

憶昔離經辨志時。文成一幅酒三卮。豪吟有氣凌
牛斗。萬里亨衢欲早馳。

寒壇困頓幾經年。賤賣文章百十篇。荆璞獻來多
被用。不知何處選青錢。

一束行囊一葉舟。去時踴躍歸時愁。鋒銜屢次經
磨折。漫道庖丁善解牛。

遞莫詞華漱六經。薛門價不長青萍。謫仙夢握生
花筆。流落荆襄酒未醒。

往時同病有知音。此日知音只寸心。彈盡焦桐幽
谷操。一灣流水助鳴琴。

雷聲隱隱壓前村。殘滴簷頭欲斷魂。懊惱風雲何
日會。北溟萬里化鵬鯤。

清風陣陣透窻紗。冷燭銀燈影帶斜。翹首空際高
注目。愁雲吹散月方華。

萬里關山同一照。半塘春水倍分明。徘徊欄榭敲

新句滿腹牢騷忽自平。

清光一派久朦朧。霧散雲開迥好風。顯晦古今還

若是。即星隱見玉壺中。

參差斜月到林西。桃李飛花盡作泥。一點宮黃殊

不老。折來端自有丹梯。

李 鄖 字懋良宜黃諸生

江城五月落梅花

江城聞玉笛。五月播芳梅。蕊落參差下。花飛杳渺
迴。輕翻空弄玉。靜舞欲成堆。未雷先舒秀。非春獨
脫胎。飄香殊象木。結影異辟林。逸態描難就。繁姿

掃不開。嬌從風裡送。艷向暗中來。一曲清音奏。天

工奪化裁。

秋夜有感

淒風楚雨過窓前。夜入流螢伴帳眠。百感交深魂
不寐。難將心事與人傳。

黃峻 字巨山宜黃廩生

秋憲

爽氣浮窓外。秋來色更明。影含湖水白。象納海山
晴。闔闔乾坤路。往來日月行。靜觀殊自適。猶自一
蟬鳴。

夏半憇月池柳邊納涼

炎炎當夏日。颯颯柳風長。輕燕飛難定。嬌蟬咽愈狂。池邊詩韵冷。陰處葛衣涼。如展琅玕簟。華胥夢一場。

夢覺見月有感

青雲歸去白雲回。桃花吹散柳花開。孤燈懶伴幽人夢。看看明月入窻來。

襟山堂望南湖觀

南湖石屋兩三間。寂寂禪門次第關。未見老僧來放鶴。一團詩趣掛襟山。

書室即事

爽氣朝來透碧窻。悠然琴韻起西堂。柳絲當戶同心結。燕剪穿簾哺子忙。世上浮雲多幻變。意中流水獨汪洋。綸巾羽扇渾無事。抱膝長吟日幾章。

山居夕望

壁上簾疎透晚霞。峰巒縹緲見人家。牛羊處處歸茅徑。梁黍村村熟險畬。百尺高樓明月出。一林深樹黑雲遮。可憐秋桂風吹盡。送過牆頭數點花。

朱雲鳳

字丹山。南豐人。雍正丙午舉人。

宿兩頭河

國朝詩苑 卷三
蒿子塘前店。茅簷八九家。因山岩作壁。藝圃菜為
花。連木安床。固欹窓。置桌斜。秋風一夜雨。客寢共
咨嗟。
荒店 苦况

紫薇

不是絲綸閣。居然以托根。繁華祛世俗。老氣滿乾
坤。剝落皮。膏盡稜。掙骨幹。存捲簾。溪院靜。藉爾伴。
黃昏

鸚鵡

鳥路嗟何促。聰明入網羅。豈因毛羽貴。自是語言
多。有舌能階厲。甘心不惜歌。雲霄時在眼。誰綴一

凌摩。
多言可 以為戒

重九感賦

九日邊城氣早涼。茱萸杯裏惜年芳。秋霜半白征
人髮。惟有菊花似舊黃。

遍遊八刹

水目山溪藏八刹。松林霧霧護鐘樓。花奇樹異人
間色。景絕真成方外遊。層宇入雲僧似鶴。平蕪環
海樹如虬。阿師不是多情種。肯指仙踪示比丘。

朱能恕
字劬一號唯齋鄱陽人乾隆壬申進士著有如心堂詩鈔

水仙

樂起常觀水。名花亦號仙。幽清蘭共逸。皎素雪同鮮。即與群芳伍。而為衆卉先。俗塵何共染。好韻自

翩翩

風標自賞

歸舟泊岬

雲山迢遞一帆輕。咫尺天涯萬里情。明月滿船殘雪映。如何竟到這般清。

庄屋落成

疎落蓬籬屋一間。蕭然四壁韻閑閑。窗橫竹影通虛氣。幔捲嵐光對遠山。徐榻有時還下下。陶門無日不閑閑。葭蒼露白人何處。蕩漾清波水一灣。

余凌雲

字貞臣。饒州府安仁縣庠生。

遊白蓮菴

饒州府治西門。明大理寺胡閏靖難時忠臣。建坊于白蓮菴東。

白蓮池畔尚蓮花。菴北菴南吊落霞。靈物飛騰風

雨去。傷心衰柳隔天涯。先生嘗肄業菴中。嘗咏畫松云。幽人無俗懷。寫此菴

龍骨九天風雨。來飛騰作靈物。

蓮欲開時松亦花。飡風吸露結烟霞。池中池畔留

清白。宛見先生在水涯。

結菴城市隔煙花。留得丹心照赤霞。蓮瓣有時銷

欲盡。清香不斷水之涯。

春愁

老來花事亦精神。綠瘦紅肥別樣春。借問東風吹
欲盡。不知幽賞屬何人。

遊芝山亭有感

芝陽亭子山之巔。半水半雲盡裏懸。秋色滿江三
楚盡。采芝何處遇神仙。

嶺上樓居

高樓依石築。倒影落芳叢。檻俯千山翠。窓開八面
風。舉觴吞月白。把筆吐雲紅。却恨層巒好。遙天一
目窮。

暮春山居有感懷舊

子規不住啼。無端聒我耳。靜思難奮飛。潛身曲欄
庠。纖手弄盆泉。泉寒清徹底。亭亭檻外芳。葉盛全
無蓋。隱几看青山。山青高無比。有樹生其顛。非桃
亦非李。寂寂寒岑岑。似有淒風起。嗟哉幽谷中。那
堪愁如縷。縷愁盈至千。鬱結暮雲裏。雲裏望伊人。
宛在水中洲。溯洄道阻長。我姑酌金壘。金壘酌不
解。復將金篋理遺響。托悲風。幽情寄澗水。

張植琇

字

廣濟藥生禮源子

登仙人臺

危臺岌業踞層巔。九轉丹成有兩仙。石老苔滋潑馴

楚鶴松青竹翠冷孤煙晚燉莫覓三生路谷口空
番一線泉大小茅君堪作侶令人長憶洞中天

宋啟傳

字周謨雩都人雍正甲辰副車銓四川
資州判著有詩賦試草物外閑吟應制

詩擬存
刪詩稿

古意

今日雨乍晴即意不肯任恨殺古皇媽閒將漏天

補

無情却
至情

子夜歌

郎愛少女風扇帶同心結扇儂亦不涼難解心頭

熱

歡道秋風冷儂愛秋夜長月明玉露墜花底結成

霜

絕妙

吳沼嘆

潢池爭長氣全吞彈指姑蘇夕照昏劍賜鐔鏤成

敗定不煩歌舞亭蘿村

鐵
謝

僑寓賴城屋後有清水塘乃故老劉鼎梅先

生全家盡節露詩以吊之

子胥浮鴨夷錢塘起怒潮靈均沉沉湘陰雨哭離

騷由來忠盡輩視死等鴻毛勝朝有劉公卓哉人

中豪壯年登仕籍稍祿食天朝中藏鐵石心趨義

以為高時運違陽九虎頭守陣哭鐵馬躍金戈慘
心而休即臣罪豈當誅志堅身不辱一朝虎豹入
跟踉避殺戮我公北面拜臣死與君逐更驅老與
幼盡殺清水塘塘水清無極照見公倘徭羅綺與
紉袴宛在水中央合室無逃竄歷數姓名香我來
塘上觀追感益徬徨緬想忠烈風山高共水長

謁周濂溪先生祠

巾拂昔賢遺濂溪舊有祠光風披不盡霽月照無疲
草綠存生趣蓮香識愛私圖起元象外易略承文
詞吾道南來日程公北學時二難參席末一月坐

春運真樂能尋否詠歸獨契之淵源傳聞洛薪燧
繼庖羲道化一隅地景行百世師諸生環講舍多
士結書帷筆嶂高且峻廉泉清且澌整衣階下拜

瞻仰切于茲

語語雅切先生詩集中
多佳句集隘未能悉登

黃耀星

字鎮廷直黃人

秋色

秋到乾坤色色新天高雲淨水無塵蘆花白處楓
林醉照眼霽姿倍有神

江城秋色

四望蒼港景未窮萬家燈火醉秋風山城斷續輕

烟鎖遠樹高低月影籠孤鴈寒啼千丈迴雙虹橫
跨一江空。悶愁縱有消何處。盡付霜花酒盞中。

初冬漫興

紛紛落葉滿池塘。便覺寒威改故涼。昨夜西風情
已盡。眼前猶望菊花黃。

杪秋夜雨

風雨蕭蕭夜已闌。孤燈影照一窗寒。閒心聽盡蛩
吟響。瘦影淒涼不忍看。

次吳劍堂夫子江樓小酌原韻

凭樓醉酌俯晴空。九十秋光入望中。擘絮雲堆千

嶂白。零星霞浣滿江紅。漁歌斷續灣灣艇。落葉橫
斜片片風。更有清音天上至。行排錦字看飛鴻。

冬日偶成

且閉柴門樂素真。何須世路逐風塵。任他窮達皆
由命。占我清高豈傍人。自古酒仙多屬醉。從來騷
客不愁貧。風霜萬類憑雕折。看到梅花倍有神。

李天英

字紹蘭四川
永川人舉人

九日登新昌崇文寺塔

一徑穿林野稻香。凌空孤塔立蒼茫。清光冷射虬
龍窟。雲影低垂鴈鷺行。此日嘯歌還我輩。百年風

物幾重陽黃花應笑羈遲客每歲登臨只異鄉

金少府招飲兼惠班管口占以謝

習家池上酒如澠人瘦黃花力不勝好是芙蓉美
秋色一枝斜醉晚來凭

題詩選石性疎狂幾向明窓寫硬黃彩華未能干
氣象漫勞五色授江郎

國朝詩觀卷十四

瑞州新昌王錫侯韓伯編次

男霖校字

余鳴珂

字海碧武寧諸生
著有讓麓詩州

寄懷洪兩山

山居寡遊侶觸目蒼翠重秋色下平原白雲蕩遙
空故人愛登臨遠隔脩水東風雨寄窮愁吞吐氣
如虹久懷江山意宕我瑰磊胸日暮漁歌起颯颯
來長風

寄懷黃鶴汀

佯狂江右士誰定擅詩才五字藏仙骨孤懷寄酒

墨眼空當路冷。誼蕩故人猜。最苦維舟處。難堪首
再回。

早行即景

颯颯秋風起。昨宵微霜初。下濕危橋。途饒亂石。聽
蹄緩。日出孤峰。鴈唳遙野。店溪闕。成曉夢。白雲如
帶束山腰。延看好景。堪圖畫。寒氣侵人。劍影飄。

秋螢

幸有微明在。飄飄向草堂。秋風吹不息。白露泥還
光。斷續依衰柳。淒清照野塘。如何終夜雨。零落不
成行。
雅切
秋字

秋琴

空谷豁幽響。開軒夜正闌。揮絃萬籟息。獨立千峰
寒。月落聞流水。雲輕護倚蘭。鍾期思不見。搔首起
長嘆。
幽清
雄壯

秋日同盛水賓謝愧于登觀風山

不辭山路險。乘興到雲端。野濶鴻聲遠。風高日色
寒。群峰爭揖讓。怪石隱盤桓。嵐翠與林景。偏宜入
暮看。
唐人
佳句

石鏡寺

不假陶鎔力。瑩然照古今。飛泉噴樹杪。踈磬落山

國朝詩集
陰。斷。錦。雲。常。合。連。空。草。自。暖。我。來。心。已。冷。小。坐。散
幽襟。絕妙
佳景

寄荅汪魚亭北上寄別原韵

故國悲雲散。京門悵望頻。遙知親哲匠。應不負才
人。向日看遐舉。臨風有遠神。一箋離緒滿。展讀見
天真。

清明日

侍馨菴夫子燕集賓竹堂請友人環
列左右獨亡弟韵山不在側益下世
歲餘矣感
賦短句

良友時相聚。芳年獨惜君。情隨杯酒冷。雨向墓門
紛。遲我留賓竹。伊誰醮汝墳。遙天一悵望。洒泪濕

重雲

切凄

書懷

自是戀雲壑。蕭然秋復春。此生凭大造。無處問通
津。入俗同偕笑。長歌獨苦辛。飄飄何所似。沙嶼一
窮鱗。

呈萬南泉夫子

負笈思從遊。遐瞻越十載。至哉哲匠門。所願虞難
逮。岫雲欲出山。泉水懷歸海。不倦洙泗心。文淵一
脈在。

竊幸及師門。時聞于道德。文章經國餘。不朽垂典

冊。松。栢。歷。歲。寒。桃。李。增。顏。色。物。貴。意。能。舒。人。求。心。所。得。

舟行紀事

江。水。瀾。茫。縱。橫。流。堤。南。堤。北。樹。沉。浮。村。民。漂。蕩。無。棲。處。半。在。巢。居。半。在。舟。

漁。艇。參。差。出。舍。前。渡。牛。渡。豕。到。山。巔。老。農。戴。笠。倚。涯。望。不。見。江。臯。一。縷。烟。令人寒心

舟中示李醞秋

送。旅。追。隨。寡。依。依。覺。汝。賢。遣。懷。杯。酒。外。得。句。暮。江。前。一。艇。烟。波。合。孤。燈。風。雨。懸。綢。繆。無。限。意。相。對。撫。

龍泉

德原不孤

遊叢雲洞

溪。洞。何。年。闢。春。從。絕。磴。回。鳥。鳴。青。嶂。曉。犬。吠。白。雲。開。峭。石。如。人。立。飛。泉。瞰。壁。來。板。橋。月。欲。上。我。到。最。高。臺。

古鶴園雜詠十二首

昔。年。清。唳。遠。遺。韻。滿。人。間。故。鄉。今。如。故。時。有。白。雲。還。古鶴園

空。谷。罷。長。吟。聞。見。自。閒。適。秋。雨。洗。層。嵐。遙。岫。凝。青。碧。愛山堂

山根石磊磊。庶利侔劍戟。造物故多奇。何事爭咫尺。
讓麓

暮色落平園。持竿向月瀨。跡寄石橋中。心繫江湖外。
夕漁橋

秋山歛夕嵐。曠野足清月。洒然亭中人。酣飲和玉屑。
醉白亭

橫琴憇蓬窗。塵襟日湛靜。晚風徐來蕩。漾寒月影。
隱月

亂石磊方池。石隙流銀液。欄前一丈梧。倒影餘半碧。
半碧池

積軸薄層雲。風雨下重幔。上下千百年。辛苦羅方寸。
柱脊樓

迴廊隱屋根。幽人情相託。不見園中花。紛紛自榮落。
退廊

松竹何蕭騷。山翠互綺麗。危響度林端。冷然落無際。
聒翠

新晴天氣和。虛窗走烟霧。渺矣王右軍。拙哉托豪素。
淡香

昨夜夢初殘。東方日杲杲。美人隔疎櫺。輝注顏色好。
杲容

李趣堂

字醞秋武寧諸生
著有研青詩草

寄懷汪魚亭先生

北風吹海鴈。寒氣逼河山。感此秋深候。懷君江上
顏。千峰圍大壑。萬木暗重關。日涉風塵際。長歌道
路難。

一嘯誰知己。竒窮壯氣存。魚龍趨海澤。雷雨走天

門。十載勞秋思。孤愁寄石根。東湖借飲地。回首白

匡廬壯雄

撫劍凌空出。徘徊古道旁。典刑人寐奠。素梓氣凋

傷。遠客頻移棹。浮家久異鄉。不堪天下士。千載泣

羊腸。

亦知羈旅客。慘澹思難量。天闕勞千里。慈幃隔

一方。山川餘墨蹟。歲月老奚囊。又作瀟湘計。衝寒

逐雪霜。聞有荆楚之行

自慚無好羽。豈敢怨埋沉。今年予就試不遇
先生重為惋惜所嘆

饑寒骨難寬。父母心鬼神。幻莫測。劍槩寂無音。悵

望風流在。終宵感激深。

杲容與余拙。吾談論竟漏賦。此言感兼以誌

別

痛定憐慈母。趣兒遽遠行。蕭疎十日雨。滌澹兩人

情滿逐花魂。泣一腔愁緒。生孤燈挑不厭。搔首聽
殘更。清新俊逸

過留雪堂贈盛才名

遲我廿年未及生。今來復聽鳳凰鳴。趙山南先輩
北留雪先生
以鳳凰芝草 閔雲。溪鎖梧桐影。靜夜空聞竹露。散仲郢
風規能肖父阿戎。談論久知名。太元一卷須珍重。
留雪堦前有杜蘅。

送余愛山夫子之南州

鼓棹中流向蓼汀。南州勝跡舊名馨。關河與泊滕
王閣。水月秋空孺子亭。玉匣由來藏寶氣。龍門自

不負詩星。快瞻松鶴凌風發。佇聽遙音落逐連。

訪宗先輩亭六公墓

空山黯淡樹堂堂。太息前朝白塚荒。一代徵文留
缺陷。數傳往事泣淪亡。蓮花谷變春烟暗。鳳尾原
遷野水長。寂寞英踪何處是。鷓鴣啼恨滿斜陽。
搔首難招久逝魂。半杯荒土跡空存。虬松定屬千
年物。主墓誰為十葉孫。破碣摩挲餘籀篆。短牆剝
晦老苔痕。不堪凭吊留長恨。忍向黃泉酹一尊。

九日登觀風山

吳峰迢遞楚峰青。巖壑人家斷續生。萬里征雲環

塞氣平山落木壯。秋散冥鴻已為饑。寒逐天馬誰當縱橫行。我上高臺逢九日。長風激宕鬼神驚。

壯偉

揚琦

字德方一字胆夫豐城人明經候選州同

霜葉紅於二月花

空山浙瀝響金風。吹透平林鶴頂紅。一片霞光迷野蝶。千層日影絢江楓。無心爛熳偷春色。滿眼韶華轉化工。漫道吳江多寂寞。桃花源在大千中。

緻工

月夜行舟

蘆花飛絮滿天秋。悶擁扁舟行未休。兩岸村烟分暮色。一灘漁火帶星流。櫓聲拽碎寒潭月。帆影沖開夜宿鷗。回首故鄉雲一片。令人慘淡不成眸。

徐叨寵

字榮嘉豐城諸生

樂府

一日尚三秋。何況終年別。淒淒北風寒。不解相思熱。

東湖聽月庵

月在天邊影在湖。老僧何處聽有無。分明透禪關。處只向梅花枝上摹。

透徹

蝶

蛺蝶雙雙過短牆。為誰心苦為誰忙。醉紅眠綠身無主。弄日翻風性自狂。怪殺莊周空入夢。豈知韓壽愛偷香。任般薰盡群花味。那識寒梅帶雪芳。

輕狂者可以為戒

登望湖亭

獨上高亭四望周。天光雲影日悠悠。千帆夕照蘆花渡。萬井烟凝橘柚州。雁陣啼更商夢急。砧聲搗月婦悲秋。祇今石弩何人賦。冷字鏡碑四壁愁。

冷壁字獻廷新昌人

懷友

尋春柳畔轉山谿。雨打黃昏鳥亂啼。流水直通桃葉渡。知君隔在板橋西。綽有風流之致旭日遲遲萬象春。新晴好鳥弄吭頻。小船寄在桃花岸。好倩東風送故人。風韻嫣然

賦得戴安道碎琴

有客戴安道。雅揮太古琴。只緣辭降使。故爾絕清音。擲地教猶戛。迴塵韻轉沉。絃泉裂石碎。柱鴈飛。林流水空存望。高山已莫尋。悠然千載下。歷歷慕芳襟。

皮天佩

字霞碧高安人

賦得月華臨靜夜

漏永穀皆靜。流光普萬家。金波經露洗。素魄耀星
華。樹樹疑棲鳥。山山淡落花。興遊何用燭。遠到可
乘槎。藹爾塵氛淨。悠然眼界奢。此心常擬似。莫使
曉烟遮。

思友

憶昔從遊在海濱。熟梅半落雨紛紛。匡廬舊約今
何在。解劍空懸野外墳。

九日湖沙登高

南驅戲馬出湖沙。觸處風高撥帽斜。欲覓青帘陶
一醉。白衣携酒傍黃花。

余承烈

字介亭寧州太學生

過山谷墓

流離免度窳窮邦。節概魂梧未肯降。自矢忠肝持
北塞。別開詩派行西江。四朝應羨人無二。千古猶
傳井一雙。石獸雖存龍虎逝。釣魚臺下水瀧瀧。

寒夜即事

諷誦殘更裏。喃喃似老僧。寒虛一枕夢。秋別十年
燈。看劍憐鬢鬢。開尊憶友朋。小牕何寂歷。風月擺

蘿藤

絕是
唐音

客中述懷依壁間韵叠和

客中何所遣。茗椀并茶杯。門對千峰雪。牕涵幾樹
梅。孤燈惟我共。泪眼向誰開。一雁天頭落。爭憐歲
暮催。

故園應自憶。寂寂且啣杯。秋老庭前橘。寒生雪裏
梅。幾烟風送出。花影月移開。此夜何惆悵。衡陽一
雁催。

茫茫百里外。衝寒一舉杯。相逢誰折柳。倚杖獨尋
梅。宿霧風吹亂。蒼苔鶴啄開。欲吟何處好。孤館鴈

教催。

得。明珠自遣。野外一攜杯。寒到風兼雪。春來柳與
梅。時聞松子落。不見菜花開。十里人歸晚。笛聲隔
隴催。

解渴思茶甕。尋詩問酒杯。寒凌千箇竹。春寄一園
梅。亂葉溝流出。殘霞夕照開。此中雖可憇。爭禁客
懷催。

覓得隣家酒。殷勤獨進杯。一陽猶有橘。十月尚無
梅。雲擁山程失。烟排驛路開。雪霜籠馬首。歸信自
相催。

茫茫百里外。對月幾啣杯。夜雨驚殘夢。疎風咏落
梅。故園秋自鎖。旅舍客常開。笑我誠淹滯。家僮幾
度催。

十年常作客。一室獨啣杯。地僻全栽竹。亭空半種
梅。雪籠珠箔曉。風捲玉簾開。夢裡家山渺。歸期更
自催。

買酒應成醉。孤懷俏對杯。且耽元亮菊。須賦廣平
梅。月透疎簾入。風翻綉幙開。歸思爭不禁。玉笛一
聲催。

莫問生涯事。鷲心酒一杯。庭闈垂菽水。經濟少鹽
梅。鴈見幾回去。花傷無數開。年來應自嘆。日月端
相催。

寒夜登樓

獨坐無餘事。凭樓再一層。不妨風作客。時以月為
燈。城郭人家靜。山河夜氣騰。獨吟應自嘯。知我有
誰能。

三四似
放翁

吊亡嬭查綉簾

朱顏憔悴玉樓空。舊事虛無塵土中。夢到梨花應
是汝。子規夜雨泣東風。

凄其
欲絕

不理紅顏并繡粧。柔屏畫閣幾消香。菱花有鏡無

人照滅却當年一半光

蔓江舟望

長江一望勢漫天。極浦烟波遠。樹連雲外青山。水蜻蜓幾點。立漁舟。風起翻然

哭木兒

一天風雨擁寒廬。倚遍闌干事總虛。把汝生憎世上。路險不知泉路遠。何如。

西湖採蓮歌

泛水採蓮花。蓮香先到岸。問郎何處去。指向西湖上。

覓路到西湖。西湖隔岸遠。身嬌怯步步遲。步步煩郎等。

扶上蓮舡去。蓮花映妾粧。槳敲初撥水。驚起雙鴛鴦。

一陣湖風起。吹開花片片。顏嬌萬朵紅。若朵是郎羨。

荷葉綠田田。佳蓮紅得得。綠如妾鬢絲。紅似妾顏色。

珍重須珍重。採花休孟浪。一枝偏有情。摘向妾頭上。

採罷採蓮葉。葉團密蓋花。恐逢湖上雨。好作傘兒遮。

採葉採蓮子。子兒結翠蓬。呼即細細採。莫使老蓬中。

採子採蓮藕。含絲不斷。纏綿若有情。真箇妾心樣。

盡日愛湖光。湖風面面涼。夕陽歸去晚。十里尚聞香。

吳明照

字玉干。宜黃人。太學生。著有采霞亭詩。州並頭蓮菱花鏡傳奇二種。

野望

青山聊極目。環望意悠然。江水含明鏡。野花控碧烟。林中千鳥韻。雲外一帆船。牧笛斜陽下。騎牛過舊川。

角

戍樓角韻正悠揚。塞外悲風意黯傷。一望蘆花光似雪。邊關秋味不堪嘗。
悲壯

秋夜聚飲葆真堂。同劔堂香孫步瀛。昭孫二

十韻

一派秋光迴。無窮幽意綿。舉樽明月並。檢韻落星聯。清潔淘佳思。輕寒觸綺筵。雄吟心自醉。逸興語

多。空。寂。靜。浮。蒼。野。蕭。疎。間。淡。烟。遠。峰。尖。美。色。近。澗。
曲。澄。鮮。魚。笛。蘆。花。听。柴。門。柳。影。邊。砧。敲。茅。下。屋。犬。
吠。夜。歸。船。古。寺。鐘。敲。遍。長。林。鳥。語。傳。沈。寥。空。汗。漫。
沉。澁。淨。娟。妍。雁。警。風。翻。翻。蛩。悲。露。洗。咽。松。濤。馳。鐵。
馬。竹。響。滴。巖。泉。波。刻。瑤。臺。鏡。沙。磨。碧。玉。箋。螢。飛。蕪。
墜。葉。鶴。夢。伴。孤。蟬。香。滿。庭。中。桂。房。新。沼。上。蓮。有。詩。
賡。爽。籟。把。筆。画。金。天。共。涉。南。樓。趣。群。談。秋。水。篇。摩。
雲。看。即。日。題。柱。羨。當。年。匣。底。珠。光。動。斗。間。劍。氣。懸。
陶。情。欣。漏。永。對。景。凜。冰。堅。

古意

洋洋者遊。魚安適得所。止朝逐烟波。遊暮宿滄海。
底鷗鷺堪同伴。蝦鯨甘為侶。不貪香釣餌。不入羅
網裡。洋洋者遊。魚知彼淡知已。

春日晚步田家

春到田家樂事闌。桃紅柳綠自闌闌。一腔牧笛松
根外。笠背犁鋤乍影閒。老婦磯頭挑水去。小童澗
底捉魚還。歸鴉飛盡斜陽影。萬幅輕烟罩遠山。

二十初度自壽

二十年来一味癡。凭人毀譽總無疑。偶然得意三
杯酒。或者陶情半首詩。山水清閒非為我。乾坤忙

碌是日謀百年。纔過五之一。尚有四兮快活時。

秋夜獨坐

此夜愁難盡。挑燈只自嗟。蚊娘應有齒。鼠子又生牙。字僻詩多澁。囊空酒不賒。閉情聽蟋蟀。心事亂如麻。

秋日書懷

秋心如細髮。飛揚安得人。開醉白堂。絃外琴情朝拂露。匣中劍氣夜凌霜。買愁惟閱燈前史。却病能查肘後方。淡蕩西風吹不覺。翻疑何處恁清涼。怪予何事不窺園。蟬老鶯殘柳斷魂。不盡江山勞

歲月無邊。詩酒寄乾坤。渴思應學鯨吞海。壯志難同風虜禪。指點冰輪新吐魄。桂香影露一鈞痕。

醉中偶吟

夜風吹落桂花香。滿泛金尊滌冷腸。醉到漏深無箇事。墨分濃淡畫蕭湘。

虹

高人雅致

映日常施彩。依雲始現空。輪形多跨澗。橋象慣憑東。表裏濃今淡。高低綠間紅。雨微偏截雨。風猛不移風。代積美人怨。能扶壯士雄。文明真有象。玉化

冬夜望月

雖然一鑑清如雪。却與秋光欠幾分。自覺胸懷寒
意事。風吹天上不堪聞。

初冬郊外閑步即景感賦

冬郊閑步處。逸韻喜飄揚。一派寒容迥。千迴澗影
長。野蔬當路發。晚菊襯籬香。草舍天然淨。田家自
在忙。凄清紅葉徑。宵渺白雲鄉。村犬嗔遊客。歸鴉
噪夕陽。門庭多寂寞。盡掃半凋傷。興廢人間事。關
心望彼蒼。

贈別次韻

江頭送別情難死。蘆花影裏霏霏雨。孤鴻散。叫海
山秋淚灑。西風無一語。即心輕薄慣。如斯夜寒莫
醉風流所。若見湘江盡日流。回頭應望發源處。

貫虹橋登眺

登橋尋逸趣。景色滿清幽。風外漁樵曲。眼中烟雨
樓。橫天數點鴈。返水幾輕鷗。千嶂環如郭。宜陽一

望收

寫景
幽明

寒窓夜雨

孤情倦欲醉。况復把寒溪。蕭索懷人意。悲涼讀史
心。挑灯頻照影。聽雨自成吟。一段無聊處。敲殘蟋

蟀音。

自造

看破此浮生。邇來竟寡欲。烟波聊附心。無榮亦無辱。不上十五鉤。懶爭雞鶩粟。有酒醉中過。無詩閒也。是知己。月與泉老我。松和竹聽鳥。談是非笑雲。逐忙碌。一瞬即千秋。乾坤芥。茅屋人身寄。其間能滯幾時宿。自去還自来。古人胡慟哭。來去既分明。今人何憂。憂我得訣長生了。此三萬六。

是謂風慧

美人圖

懶整雲鬟獨倚闌。含情無語影盤桓。畫工着意調脂粉。難寫秋心一片寒。

枯樹

非關霜雪動咨嗟。歲歲年年老樹樞。半藉苔魂呈色相。全資蘿影助榮華。葉憐空。蝶風難韻。枝怯扶疎。雪可。花瘦骨長。臨流水照。烟波映帶。自橫斜。

秋日孤桐

獨泣秋風情黯黯。孤鳴夜雨韻蕭蕭。誰憐翠影曾棲鳳。一任寒烟鎖寂寥。

次陸簡耕樂原韻

躬耕果足樂。放浪此桑田。戴笠遮紅雨。荷鋤掘翠烟。渴消流水側。倦息老松邊。一戶阿雞大。悠悠太古年。

題踏雪尋梅圖

梅花應向雪中飄。不借寒山凍路遙。詩思灑浮驢子背。清香引到灞陵橋。

冬日見蝶

漫天蕭瑟弄霜華。蝴蝶翩翩入苑賒。想是夢魂情欲斷。錯疑楓葉是春花。

痴想亦妙想

夜靜聞遠鐘

一線鐘聲過耳邊。無端清緒忽蕭然。孤燈影把寒色聽。落霜華不忍眠。

齋前觀蟻

移沙擁土起山庄。繞砌沿臺作市場。千百成群爭臭腐。暮朝率屬拜君王。路邊偶語通消息。水畔低窺探渺茫。枯樹堦中排燕樂。野花心上配鴛鴦。紛紛避雨均投穴。肅肅團營各保疆。蟻子乾坤歸此處。豈讓蠻觸聞羸強。

鄙鎖中寫出大雅

夜步偶興

閱意任西東。迴旋萬慮空。流星飛直箭。新月挂彎弓。

子。刺氣橫天外。文心寄酒中。調情今古事。吹斷夜
闌風。

看人鑷白戲筆書贈

看君有意真嫌白。白長茫茫對鏡摘。捨下低徊長
嘆息。嘆息不已淚頻滴。空嗟老去無顏色。勸君休
將皮肉尅白。到如何。推託得。紅塵路上往來客。兒
個鬢眉長漆黑。

石罅泉聲

石罅泉流細。往來靜裡敲。風吹雙珮響。雨過一絃
鳴。瀉玉崑岡潔。飛珠瀑布情。閉心頻側耳。的的動

詩情。

春堤柳浪

長堤翻柳浪。碧湧半天春。紋皺陂飄金縷。花飛瀉玉
塵。拖烟浮翠羽。帶露疊青鱗。點綴鶯聲巧。東風最
惹人。

鳳嶺晨鐘

鳳嶺初驚曙。僧敲梵度鐘。音調珠露碎。韻襯薄烟
濃。覺路催行客。迷津渡遠踪。蕭齋魂夢豁。深省費
陶鎔。

龍泉晚翠

凭欄尋晚興。翠綠滿龍泉。返照松顏麗。斜暉竹影
鮮。翻霞紅襯錦。蘸霧碧分烟。萬鳥爭投處。幽叢桂
語傳。

迎門茂竹

參天一畝竹。碧翠若雲屯。俛首常窺客。虚心慣候
門。搖殘風掠韻。剪碎月流痕。惜笋凭當路。殷勤托
所聞。

晚望

晚來陶望處。霜意欲侵人。寫盡灘聲冷。吹餘葉影
昏。疎林鴉語細。落日雁書頻。漠漠寒烟外。茅簷白

似銀

謝贊

字廷弼。崇仁諸生。著有青峰詩鈔。

秋日薄暮野望

渚沙蕩漾映斜暉。徙倚峰頭獨振衣。霜染寒林秋
葉下。天連遠水暮帆歸。殘煙漠漠千村合。極浦蒼
蒼一雁飛。搖落衰年空卧病。世情何事不相違。

秋日重遊山庄

山色能留客。還從舊徑通。全無蒸地景。添得落梧
風。白鳥輕烟外。黃花細雨中。靜觀多勝槩。吟賞與
誰同。

健齒

秋夜蟲聲

葉落庭堦秋氣清。孤燈寐歷亂蟲鳴。枕函何用金籠閉。自有淒涼不斷聲。

靜夜思

月明如水照霜天。萬籟無聲境寂然。想到平生孤負處。不堪膏火獨熬煎。

是勇于克己者

歸舟阻雨

歸心時快快。江雨日綿綿。竟有登天路。曾無縮地鞭。橫風吹髮斷。駭浪拍魂顛。極目傷搖蕩。何人為障川。

蟋蟀

玉砌托微躬。悲秋五夜中。淒淒濃泣露。切切苦吟風。最醒幽人夢。還催懶婦工。感時嗟老至。事業委飄蓬。

感物興懷

贈其雨上人

遁跡祇園老歲華。逢人長自演三車。能令香積厨中飯。慣煮孤山雨後茶。趺坐竟忘新甲子。吟詩常帶舊烟霞。幾回送我過前澗。笑別橋邊日已斜。

送別陳熙采

北風蕭瑟雁聲悲。好友追陪惜解携。衰草豈能羈

玉勒離亭。恐共拚金卮。馬堂頓撤紅紗帳。郢國空
留白雪詩。長劍直從天外倚。臨風休泣。路多歧。

訪其雨上人

金風吹葉下高岑。結伴長歌訪道林。古碣年多青
蘚積。懸崖人靜碧雲深。天花片片飛禪席。法雨絲
絲潤客襟。何必王維偏佞佛。一聞半偈也降心。

春日遊山寺

素有烟霞癖。閑從鳥道行。柳絲牽細馬。桃葉護嬌
鶯。寺午鐘敲雨。巖春溜滴華。東林逢惠遠。煮茗暢
幽情。

夏日偕友遊山庄

山隈茅屋隱。曲迳幾迴通。竹影篩炎日。松陰送冷
風。目空青嶂外。身在白雲中。此處真勾漏。丹砂愧

葛洪

老健

賀立雪上人駐錫碩繩寺

不共支公愛買山。隨緣卓錫古禪關。蒲庭法雨曇
花淨。一苑天風梵唄閑。持鉢毒龍看自伏。點頭群
石竟非頑。白蓮開道新聯社。无度應知許一攀。

謝士睿

字克聖。贊之子。

次秋日薄暮野望

川原歷歷映斜暉。野色侵人綠滿衣。犢向隴頭隨
牧返。雁從雲外帶書歸。連山薄霧瀾瀾起。匝地輕
烟漸漸飛。回憶鄉關何日到。夜來猶恐夢相違。

思家

每逢作客倍愁奢。一度登高一憶家。旅邸自憐春
鬢改。門閭空望白雲遮。心苗摇曳風前柳。泪點淒
其雨後花。幸有主人知客意。傾樽強勸醉流霞。

螢燈映讀

那有蘭膏總落暉。只將螢火照書帷。不須暗鑿鄰
家壁。何減輝生太乙藜。案上有星光的皦。窓前無

月彩。少披練囊燭破千年秘。萬古燈傳已在茲。

工雅

山居

煙霞深處絕塵喧。地位清高別有天。半壑雲篩南
畝雨。一林霧織北窓煙。竒峰削劣玉。維畫碧澗潺
湲。叔夜絃自是人稀車馬少。日將樽酒醉殘編。

次雪晴

青陽一出麗青霄。春氣融和雪漸消。西澗暗通泉
細細。北窓時聽雨蕭蕭。池添新暖魚橫岸。山減隆
寒竹挺腰。極目樓頭人興遠。且尋芳草過溪橋。

江頭春漲

春雨添新漲。雷聲吼巨川。蒼茫迷岬曲。震蕩撼山顛。挑浪千層湧。霜花一度連。試看鱗甲化。如在禹門邊。

芙蓉秋霽

積雨初晴候。芙蓉豁遠眸。山光蒼欲滴。樹影碧常浮。絕壁纖雲淨。懸崖宿靄收。何人將淡墨。畫出一峰秋。

青峰積翠

特特青峰秀。鮮妍孰與儔。嵐光籠萬樹。黛色染千

秋。佛髻輕烟上。仙鬟碧漢頭。最憐閑卧晚。長對一屏幽。

麻嶺飛雲

麻嶺衝霄漢。閒雲日縱橫。金枝搖岫遠。玉葉蕩風輕。龍虎須臾合。樓臺倏忽成。太平真有象。滿眼有紛明。

四首皆
五雅

春日遊山莊

小構逼諸天。春來景物妍。綠浮千嶂草。青起萬家烟。積雪明陰澗。飛泉掛碧巖。登高憑遠望。妙處落吟邊。

螢火

流螢綠草化。點點逐宵行。度澗星沉水。沿花火鑠
英。金風吹不滅。玉露洗還明。助讀功。非小。輝輝照
百城。

梨花

風日暖春明媚。梨花靄靄中。色疑千樹雪。香散一園

鄧鋌字林七江西新城縣太學生

春晴閑意

早起東方曙色明。青陽燉爛足娛情。雲開戶外三

山見日照塔前百草生。洗硯喜臨修禊帖。倚窗靜
聽友求糴更逢舊雨。閒相遇。醉賞梅花洽舊盟。

暮春偶作

清明時節愛新晴。草木龍蔥競向榮。日暖樑間
燕語。萍開水面小魚行。每因無事心常泰。乍脫重
裘體更輕。醉酌梨花聊舐憤。和風拂拂起窗櫺。

贈東湖寺元章和尚

荒涼初到梵王家。一片光坪起白沙。遠峙空排青
竹筍。臨池誰種白蓮花。放生塘古燕尋舊壘無棲
地。蜂作新窠好放衙。獨有山僧高卧穩。茅椒潑鎖

暮雲遮

臨溪早望

早起溪邊趁早涼。沿溪草露染輕裳。遙山日出千
林秀。近浦烟開數鳥翔。細浪魚吹疑小雨。荷花風
捲似焚香。更聞隔岸晨鐘啟。名利紛紛各自忙。

秋實坐月

策策風吹滿院涼。閑庭孤坐數更長。金波溪映池
中月。玉液低凝葉上霜。四外管歌般細細。一林螢
火影茫茫。中宵寂靜無人伴。手自牽帷拂臥床。

晚眺

晚來緩步陟高崗。縱目郊原入渺茫。鳴樹殘蟬殺
斷續。投林宿鳥語悠揚。遠看畫閣寒燈影。知是隣
家漏壁光。邱壑眼前幽興洽。何須屐着謝家郎。

村庄夜讀

夜讀村庄興洒如。日間俗慮盡拋除。薰爐不必求
宣德。下酒何妨借漢書。已脩蠟燒三品盡。忽聞鷄
報五更初。滿腔浩氣欣來渡。不覺藏身在草廬。

歸道中過野人家有感

風掠羊裘敝自嗟。農夫相款煮新茶。低垣矮屋堆
秋稿。枯木疎林集暮鴉。半嶺彩霞飛五色。孤村曲

逕刺三叉。沿途坐憇。今知老。緩步歸來。月已斜。

歲暮雜興三首

又是年華逐水波。山樵野牧罷高歌。荒村敗屋書
報少。竹舍茅廬鳥語多。昨夜雪深冰益壯。今朝日
暖氣猶和。草芽含露知春早。且飲村漿醉叵羅。
喧闐爆竹响千門。耐冷開堂酒一罇。簷雪漸消時
滴滴寒雲不動。晝昏昏。墨書滿架窮堪樂。得意長
吟句。莫論多少眼前生意動。留將勝事待春溫。
何事三冬覺日長。盡拋俗慮憇閑望。天明角枕寒
留夢。雪壓疎梅暗放香。饑歲求隣難索米。豐年宴

客有餘糧。僻間偶聽機中女。不斷梭投到夕陽。

春夜獨飲

夜靜孤燈影不紅。啣盃獨坐怯春風。空墻雨滴殺
穀香。自笑頻年冷淡中。

訂友人赤岍看梅花

赤岸天挑錦作叢。濃枝艷蕊咲春風。呼朋共賞無
須酒。詩映花容頰已紅。
新翻

獨坐

獨坐茅齋客到稀。痴雲不散雨霏霏。春深尚餘
寒日。三月今年未減衣。

冬夜偶成

獨夜寒燈焰不光。五更殘月映匡床。夢回枕款無聊賴。四外鷄聲喔喔長。

雪夜有感

驚風亂颭雪霏霏。客館張燈早掩扉。欲盡樽中誰作伴。塔前寒月影微微。

自題小像

我顏曾與爾顏同。我却今成白髮翁。還是兩身同坐穩。不須奔走世情中。

夢後詩句

句妙

纔見繁華別有天。飛花澹蕩景無邊。夢回猶憶夢中事。恐是華胥國裡仙。

歐陽棡 字企南宜黃人

一雨便如秋

最愛秋前雨。非徒潤綠疇。一番初入夜。萬象便含秋。冷氣驅殘暑。清飈拂遠流。尋芳披小徑。納爽上高樓。砌竹清聲度。階梧落影悠。滿園涼氣透。幾處火威收。對景添詩思。因時玩物遊。為霖如得遇。望遠不須愁。

振鷺于飛

晴江多宿鷺。映水有光輝。未向磯邊立。常從雨外
飛。帶絲飄曙露。屬玉耀斜暉。羽共雲容潔。光分雪
影微。雁羅憐雉苦。漸木笑鴻非。飲啄情何戀。江波
願不違。一行殊皎潔。數點望依稀。豈比樊籠雀。終
朝傍竹扉。思致甚雅

野無遺賢

素有風雲志。咸居日月邊。明廷欣薦士。曠野詎遺
賢。接踵來堂陛。連茹出谷泉。葭蒼人跡杳。露白水
光鮮。琬琰珍皆盡。驂騑品自全。隴花空弄影。澗草
自含妍。不復鋤朝雨。寧聞種夕烟。益梅堪鼎鼐。調

味九重天。

秀句堪餐

擬孫康映雪讀書

安得萬丈繩。天外繫日月。使我寒窓下。終晷無作
輟。冬夜夜何長。抗懷良鬱結。造化憫我貧。貺我以
積雪。遙夜獨長吟。清氣在喉舌。渣滓欲消融。寸衷
共精潔。

鄒洵

字亦山。宜黃人。

月皎疑非夜

皓月當空皎。清光混夕暉。幾疑桑樹出。那辨桂輪
依。漏靜明如晝。樓高影入澗。家人應對鏡。織女悔

唐車詩補
卷一
懸機蝶夢。棲難穩。烏啼宿自稀。夜遊當此夕。乘興
正忘歸。



